

La Quotidiana 29-1-2016, p. 18

17.25 CUNTRASTS SIN SRF 1

Da la fora a la rusna

Debattas e cumbats mo pervia d'ina rusna! Uschia pudess ins circumscriver a moda saloppa il cumbat da votaziun per il segund tunnel dal Gottard. Ma co è quai, da viver sper e cun ina tala «rusna», p.ex. al San Bernardino? E tge rusnas datti anc en noss mintgadi, dasper la famosa fora da schaner?



En la segunda ediziun da l'emissiun cun il num «Cuntrasts Focus» va la redacziun a fund a las rusnas! La redactura Petra Rothmund è ida tras il tunnel dal San Bernardino, ha però fatg fermativa davant e davos il tunnel e dumandà là ils abitants co els vivan cun quella rusna da transit.

Gia pliras rusnas ha chavà Ignaz Deplazes (foto) sin il santeri da Surrein – ed il chava-fossas ha raquintà ad Eligi Derungs tge restanzas che vegnan mintgatant or da las fossas veglias.



Petra Rothmund ha scuntrà ina persuna ch'è mitschada per pauc da la mort: Toni Albrecht da Dardin. Sco giuven talent da snowboard era el crudà dal 2004 en il Vallais en ina sfessa da glatscher. Dals detagls da l'accident na sa regorda el betg pli – ina rusna da memoria. E per finir va l'emissiun anc a la tschertga da rusnas che mintgina e mintgin da nus enconuscha: las pitschnas rusnas en ils t-shirts, adina sin l'autezza dal venter. Danunder vegnan quellas rusnas? Nus avain la resposta. L'emissiun vegn moderada dad Anna Serarda Campell, correspondententa RTR en Chasa federala.